



Support to Sustainable Graduation প্রকল্প

অর্থনৈতিক সম্পর্ক বিভাগ, অর্থ মন্ত্রণালয়



ছবি	নাম ও পদবী	যোগাযোগের ঠিকানা
	ফরিদ আজিজ প্রকল্প পরিচালক যুগ্ম সচিব ও অনুবিভাগ প্রধান ডেভেলপমেন্ট ইইফেক্টিভনেস অনুবিভাগ অর্থনৈতিক সম্পর্ক বিভাগ	রুম#১১, ব্লক#৮, শের-ই-বাংলা নগর (পরিকল্পনা কমিশন চত্বর), ঢাকা-১২০৭ ফোন(অফিস)- ৮৮১১৯৮৮৮, ১৪৫(I) ইমেইল: wingchief10@erd.gov.bd
	আবুল কালাম আজাদ উপ প্রকল্প পরিচালক উপসচিব ডিই অধিশাখা-৩ অর্থনৈতিক সম্পর্ক বিভাগ	রুম # ৩২, ব্লক # ৮, শের-ই-বাংলা নগর (পরিকল্পনা কমিশন চত্বর), ঢাকা-১২০৭ ফোন (অফিস) ৮৮১১৩৩৮, ১৩১ (I) ইমেইল: de-br3@erd.gov.bd
	ফারজানা ফেরদৌস জামান সহকারী প্রকল্প পরিচালক সিনিয়র সহকারী সচিব ডিই-৬ শাখা অর্থনৈতিক সম্পর্ক বিভাগ	রুম#২৯, ব্লক#৮, শের-ই-বাংলা নগর (পরিকল্পনা কমিশন চত্বর), ঢাকা-১২০৭ ফোন (অফিস) ৯১৮০৬১১, ৩১৬(I) ইমেইল- de-6@erd.gov.bd

প্রকল্পের নাম	: সাপোর্ট টু সাস্টেইনেবল গ্রাজুয়েশন প্রকল্প (দ্বিতীয় সংশোধিত)
প্রকল্পের ধরন	: কারিগরি সহায়তা প্রকল্প
বাস্তবায়নকারী সংস্থা	: ডেভেলপমেন্ট ইফেক্টিভনেস উইং, ইআরডি
অর্থায়নকারী	: ক) জাপানিজ ডেট রিলিফ গ্রান্ট এসিসট্যান্স-কাউন্টারপার্ট ফান্ড (ডিআরজিএ-সিএফ) খ) জিওবি
বাস্তবায়নকাল	: ডিসেম্বর ২০১৮ হতে জুন ২০২৪
প্রাক্কলিত ব্যয়	: মোট ১৩৪৭৫.০০ (জিওবি: ৪৪৬৪.৬০ ও ডিআরজিএ-সিএফ: ৯০১০.৪০) লক্ষ টাকা

ভূমিকাঃ

জাতিসংঘ ১৯৭১ সালে কিছু নির্ণায়কের উপর ভিত্তি করে বিশ্বের সবচেয়ে কম উন্নত দেশগুলোকে স্বল্পোন্নত দেশ বা Least Developed Countries (LDC) হিসেবে পৃথকভাবে শ্রেণীবদ্ধ করে। ১৯৭১ সালে স্বল্পোন্নত দেশের সংখ্যা ছিল ২৫ এবং বর্তমানে ৪৭। বাংলাদেশ ১৯৭৫ সালে স্বল্পোন্নত দেশ হিসেবে তালিকাভুক্ত হয়। এ পর্যন্ত মোট ৬ টি দেশ (বোতসোয়ানা, কেপভার্দে, মালদ্বীপ, সামোয়া, ইকুয়েটোরিয়াল গিনি ও ভানুয়াতু) স্বল্পোন্নত দেশ থেকে উত্তরণ (Graduation)-এ সমর্থ হয়েছে।



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



জাতিসংঘের Economic and Social Council বা ECOSOC এর অধীন Committee for Development Policy (CDP) তিনটি সূচকের ভিত্তিতে স্বল্পোন্নত দেশ থেকে উত্তরণের বিষয়টি পর্যালোচনা করে। এই কমিটি নির্ধারিত মানদণ্ড অনুযায়ী স্বল্পোন্নত দেশ থেকে বেরিয়ে আসার সূচকগুলো হচ্ছে (১) মাথাপিছু আয় বা Gross National Income Per Capita (২) মানবসম্পদ সূচক বা Human Assets Index (HAI)– যেটি পুষ্টি, স্বাস্থ্য, মৃত্যুহার, স্কুলে ভর্তি ও শিক্ষার হারের সমন্বয়ে তৈরি করা হয় এবং (৩) অর্থনৈতিক ভঙ্গুরতা সূচক বা Economic and Environmental Vulnerability Index (EVI)- যেটি প্রাকৃতিক দুর্যোগ, বাণিজ্য ও অর্থনৈতিক আঘাত, জনসংখ্যার পরিমাণ এবং বিশ্ববাজার থেকে একটি দেশের দূরত্বসহ আটটি বিষয়ের উপর ভিত্তি করে তৈরি করা হয়।



উত্তরণের সুপারিশপ্রাপ্তি উপলক্ষে গত ২৭ শে ফেব্রুয়ারি ২০২১ তারিখ গণভবনে অনুষ্ঠিত সংবাদ সম্মেলনে মাননীয় প্রধানমন্ত্রী শেখ হাসিনার হাতে সিডিপি- এর সুপারিশপত্রটি তুলে দেন মাননীয় অর্থমন্ত্রী জনাব আ হ ম মুস্তফা কামাল, এফসিএ, এমপি

জাতিসংঘের নিয়মানুযায়ী, কোন দেশ পরপর দু'টি ত্রিবার্ষিক পর্যালোচনায় স্বল্পোন্নত দেশ হতে উত্তরণের মানদণ্ড পূরণে সক্ষম হলে স্বল্পোন্নত দেশ হতে উত্তরণের যোগ্যতা অর্জন করে। মাননীয় প্রধানমন্ত্রী শেখ হাসিনার নেতৃত্বে সাম্প্রতিক সময়ে বাংলাদেশ আর্থসামাজিক উন্নয়নের বিভিন্ন সূচকে ব্যাপক অগ্রগতি অর্জন করে চলেছে। তারই সুবাদে গত ২৬ শে ফেব্রুয়ারি ২০২১ সালে অনুষ্ঠিত CDP এর ত্রিবার্ষিক পর্যালোচনা সভায় বাংলাদেশ দ্বিতীয়বারের আনুষ্ঠানিকভাবে স্বল্পোন্নত দেশ থেকে উত্তরণের সকল মানদণ্ড পূরণের স্বীকৃতিপ্রাপ্ত হয়েছে এবং সি ডি পি পাঁচ বছরের প্রস্তুতিমূলক সময়সহ বাংলাদেশকে উত্তরণের জন্য সুপারিশ করেছে। অতঃপর তা জাতিসংঘ আর্থ সামাজিক কাউন্সিল কর্তৃক অনুমোদিত হয়েছে। আশা করা যায় যে চলতি ২০২১ সালের ডিসেম্বর মাস নাগাদ উত্তরণের সুপারিশের take note সংক্রান্ত রিজোল্যুশনটি গৃহীত হবে। বর্তমান পরিস্থিতিতে আশা করা যায় যে বাংলাদেশ ২০২৬ সালে স্বল্পোন্নত দেশের তালিকা থেকে বেরিয়ে আসবে। তবে সি ডি পি ২০২৪ সালে অনুষ্ঠিতব্য পরবর্তী ত্রিবার্ষিক পর্যালোচনা সভায় পর্যালোচনা করে দেখবে যে কোভিড-১৯ সৃষ্ট পরিস্থিতির প্রেক্ষাপটে কোন দেশের প্রস্তুতিমূলক সময় আরও বাড়ানোর প্রয়োজন আছে কি না।



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



সারণী ১- উত্তরণ সূচকে বাংলাদেশের অবস্থানঃ

মানদণ্ড	২০১৮ এর পর্যালোচনার মানদণ্ড	বাংলাদেশের স্কোর (২০১৮)	২০২১ এর পর্যালোচনার মানদণ্ড	বাংলাদেশের স্কোর ২০২১
মাথাপিছু আয়*	১২৩০ মার্কিন ডলার বা তার বেশী	১২৭৪ মার্কিন ডলার	১২২২ মার্কিন ডলার বা তার বেশী	১৮২৭ মার্কিন ডলার
মানবসম্পদ সূচক	৬৬ বা তার বেশী	৭৩.২	৬৬ বা তার বেশী	৭৫.৪
অর্থনৈতিক ও পরিবেশগত ভঙ্গুরতা সূচক	৩২ বা তার কম	২৫.২	৩২ বা তার কম	২৭.০

সারণী ২- স্বল্পোন্নত দেশ হতে উত্তরণ প্রক্রিয়া ও সময়সূচী

সময়সূচী	প্রক্রিয়া
২০১৮	সি ডি পি এর ত্রিবার্ষিক সভায় বাংলাদেশ উত্তরণের সকল মানদণ্ড পূরণে সক্ষম হয়েছে বলে প্রতীয়মান হয় UNDESA বাংলাদেশ সরকারকে এ ব্যাপারে আনুষ্ঠানিকভাবে অবহিত করে।
২০১৮-২০২১	UNCTAD একটি vulnerability profile বা ভঙ্গুরতা পর্যালোচনা প্রস্তুত করে বাংলাদেশের নিকট উপস্থাপন করবে। UNDESA একটি ex-ante impact assessment বা প্রভাব পর্যালোচনা প্রস্তুত করে বাংলাদেশের নিকট উপস্থাপন করবে।
২০২১	বাংলাদেশ দ্বিতীয়বারের মত উত্তরণের মানদণ্ড সমূহ পূরণ করবে সি ডি পি ECOSOC এর নিকট বাংলাদেশকে স্বল্পোন্নত দেশ হতে উত্তরণের সুপারিশ করবে ECOSOC সি ডি পি এর সুপারিশটি অনুমোদন করবে এবং জাতিসংঘ সাধারণ পরিষদ সেটি আমলে নেবে
২০২১-২০২৬	বাংলাদেশ একটি Graduation Strategy প্রস্তুত করবে উন্নয়ন ও বাণিজ্যিক অংশীদারগণ সরকার কর্তৃক প্রস্তুতকৃত পরামর্শ কাঠামোতে অংশগ্রহণ করবেন এবং অভীষ্ট সহায়তা প্রদান করবেন সি ডি পি বাংলাদেশের উন্নয়ন অগ্রগতি পরিবীক্ষণ করবে এবং ইকোসকের নিকট এ ব্যাপারে বার্ষিক প্রতিবেদন দাখিল করবে;
২০২৬	বাংলাদেশ আনুষ্ঠানিকভাবে স্বল্পোন্নত দেশের তালিকা থেকে বেরিয়ে আসবে
২০২৬	বাংলাদেশ অধিকাংশ International Support Measures (ISMs) হারাবে
২০২৬ থেকে	বাংলাদেশ Graduation Strategy বাস্তবায়ন করবে
২০৩০ (+/-)	বাংলাদেশ সি ডি পি-তে সর্বশেষ Monitoring Report দাখিল করবে

প্রকল্প গ্রহণঃ

উত্তরণের অগ্রযাত্রাকে ধরে রাখার পাশাপাশি এর মধ্যবর্তী এবং অনুবর্তী পর্যায়ে বাংলাদেশের বেশ কিছু করণীয় রয়েছে (সারণী-২)। তাছাড়া, উত্তরণ-পরবর্তী পর্যায়ে International Support Measures (ISMs) হারানোর ফলে উদ্ভূত সম্ভাব্য চ্যালেঞ্জসমূহ স্টাডি ও গবেষণার মাধ্যমে চিহ্নিতকরণ, সংশ্লিষ্ট সকল অংশীজনকে সম্পৃক্ত করে Graduation



Support to Sustainable Graduation প্রকল্প

অর্থনৈতিক সম্পর্ক বিভাগ, অর্থ মন্ত্রণালয়



Strategy প্রণয়ন, দক্ষতা বৃদ্ধির লক্ষ্যে প্রয়োজনীয় প্রশিক্ষণ প্রদান, উন্নয়ন সহযোগী ও সংশ্লিষ্ট আন্তর্জাতিক সংস্থাসমূহের সাথে নিগোশিয়েশন পরিচালনা করা, বিভিন্ন মন্ত্রণালয় ও সংস্থার সাথে সমন্বয় সাধন করা প্রয়োজন।

এরই পরিপ্রেক্ষিতে উত্তরণ সংক্রান্ত সকল কার্যক্রম সুষ্ঠুভাবে পরিচালনার লক্ষ্যে ১৫ই এপ্রিল ২০১৮ তারিখ অনুষ্ঠিত উত্তরণ সংক্রান্ত জাতীয় টাস্কফোর্স- এর দ্বিতীয় সভায় এই মর্মে সিদ্ধান্ত গৃহীত হয় যে, “**LDC** উত্তরণের প্রভাব ও করণীয় নির্ধারণ, ঐতিহাসিক অর্জনকে দেশ ও বিদেশে ব্যাপক প্রচারণার মাধ্যমে দেশের ভাবমূর্তি উজ্জ্বল করার স্বার্থে **LDC** সংক্রান্ত বিভিন্ন গবেষণা লেখা, প্রকাশনাসহ সার্বিক কর্মকান্ড যথাযথ বাস্তবায়নের লক্ষ্যে **ERD** একটি প্রকল্প গ্রহণ করবে। এ প্রকল্পের আওতায় সক্ষমতা বৃদ্ধিসহ বিভিন্ন মন্ত্রণালয়/বিভাগকে সহায়তা প্রদান করা হবে”। এই সিদ্ধান্ত অনুযায়ী কার্যক্রম পরিচালনা এবং টাস্কফোর্সকে সার্চিবিক সহায়তা প্রদানের লক্ষ্যে ইআরডি কর্তৃক ‘Support to Sustainable Graduation Project’ শীর্ষক একটি প্রকল্প হাতে নেয়া হয়েছে। প্রকল্পের চারটি কম্পোনেন্ট রয়েছে, যোগুলোর কার্যাবলী সংক্ষিপ্ত আকারে নীচে উপস্থাপন করা হলো।

প্রকল্পের কম্পোনেন্টসমূহ

কম্পোনেন্ট ০১	M&E of LDC Sensitive Criteria and Policy Gap Analysis (স্বল্পোন্নত দেশ হতে উত্তরণ সংক্রান্ত মানদণ্ডসমূহের পরিবীক্ষণ ও মূল্যায়ন এবং নীতিগত ঘাটতি পর্যালোচনা)
কম্পোনেন্ট ০২	Capacity Enhancement of Data Management and Information System (তথ্য ও উপাত্ত ব্যবস্থাপনা পদ্ধতির ক্ষেত্রে দক্ষতার উৎকর্ষ সাধন)
কম্পোনেন্ট ০৩	Campaign & Advocacy for Graduation (উত্তরণ সংক্রান্ত প্রচার প্রচারণা কার্যক্রম পরিচালনা)
কম্পোনেন্ট ০৪	Knowledge Management Products and Tools on LDC Graduation (উত্তরণ সংক্রান্ত জ্ঞান ও সচেতনতামূলক উপকরণ প্রস্তুতকরণ)

প্রকল্পের উদ্দেশ্যঃ ইআরডি’র ডিই অনুবিভাগের মাধ্যমে

- স্বল্পোন্নত দেশ হতে বাংলাদেশের উত্তরণ প্রক্রিয়া মসৃণ ও টেকসইকরণের লক্ষ্যে প্রণীতব্য ক্রান্তিকালীন কলাকৌশল (Transition Strategy) প্রস্তুতের লক্ষ্যে সরকারকে প্রয়োজনীয় সহায়তা প্রদান এবং এ লক্ষ্যে বিভিন্ন অংশীজনদের মধ্যে প্রয়োজনীয় সমন্বয় সাধন;
- স্বল্পোন্নত দেশ হতে উত্তরণসংক্রান্ত সকল প্রস্তুতিমূলক কার্যক্রম সুষ্ঠুভাবে বাস্তবায়নের লক্ষ্যে কার্যকরী পরিবীক্ষণ ও তদারকি নিশ্চিতকরণ;
- উত্তরণ সংক্রান্ত তথ্য ও উপাত্তসমূহ নিবিড়ভাবে পরিবীক্ষণ ও পর্যালোচনা করা, এতদসংক্রান্ত নীতিগত ব্যবধান (Policy Gap) নিয়মিতভাবে পর্যালোচনার জন্য প্রয়োজনীয় কাঠামো তৈরি এবং এক্ষেত্রে প্রয়োজনমাত্রিক নীতিগত হস্তক্ষেপের (Policy Intervention) ব্যবস্থা গ্রহন;
- উত্তরণ মধ্যবর্তী ও পরবর্তী সময়ে সৃষ্ট সম্ভাব্য প্রতিবন্ধকতাসমূহের সাথে খাপ খাওয়ানোর লক্ষ্যে সরকারী ও বেসরকারি খাত এবং সুশীল সমাজের দক্ষতা বৃদ্ধি করা;



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



- ✚ স্বল্পোন্নত দেশ হতে উত্তরণের ব্যাপারে সংশ্লিষ্ট অংশীজনদের মধ্যে ইতিবাচক ভাবধারা সৃষ্টির লক্ষ্যে স্থানীয় ও আন্তর্জাতিক পর্যায়ে ব্যাপক প্রচার প্রচারণার আয়োজন;
- ✚ স্বল্পোন্নত দেশ হতে উত্তরণ পরবর্তী সময়ে যাতে বিভিন্ন আন্তর্জাতিক সহায়তাসমূহ (International Support Measures) অব্যাহত থাকে তা সুনিশ্চিত করার জন্য আন্তর্জাতিক মহলে প্রয়োজনীয় কূটনৈতিক তৎপরতা জোরদারকরণের লক্ষ্যে সংশ্লিষ্ট অংশীজনদের দক্ষতা বৃদ্ধি;
- ✚ উত্তরণসংক্রান্ত নীতিমালা প্রণয়ন ও সিদ্ধান্তগ্রহণের ক্ষেত্রে নীতিনির্ধারকদের প্রয়োজনীয় সহায়তা করার লক্ষ্যে একটি Socioeconomic Forecasting Tool সহ বিভিন্ন জ্ঞান ও সচেতনতামূলক উপকরণ প্রস্তুত করা;

সম্পাদিত উল্লেখযোগ্য কার্যাবলীঃ

- ✚ ২০২১ সালে অনুষ্ঠিত সি ডি পি ত্রিবার্ষিক পর্যালোচনা সভায় উত্তরণের বিষয়ে বাংলাদেশের বক্তব্য তুলে ধরতে, সিডিপি এক্সপার্ট গ্রুপের সভায় অংশগ্রহণকারী বাংলাদেশ প্রতিনিধিদলকে প্রয়োজনীয় কারিগরি ও সাচিবিক সহায়তা প্রদানে এবং উক্ত ত্রিবার্ষিক পর্যালোচনাকে সামনে রেখে সংশ্লিষ্ট বিভিন্ন আন্তর্জাতিক সংস্থা যেমন সিডিপি, ইউএনওএইচআরএলএলএস, আঙ্কটাড ও বিশ্ব বাণিজ্য সংস্থার সাথে প্রয়োজনীয় সমন্বয় রক্ষার ক্ষেত্রে এসএসজিপি ইআরডি-কে প্রয়োজনীয় কারিগরি সহায়তা প্রদান করেছে।



সিডিপি এক্সপার্ট গ্রুপ সভায় অংশগ্রহণকারী বাংলাদেশ প্রতিনিধিদলের সদস্যবৃন্দ, টেকনিক্যাল টিমের সদস্যবৃন্দ ও সংশ্লিষ্ট অন্যান্য কর্মকর্তাবৃন্দ

- ✚ উত্তরণের সুপারিশপ্রাপ্তির অব্যবহিত পর উক্ত ঐতিহাসিক অর্জন সম্পর্কে দেশবাসীকে অবহিত করার লক্ষ্যে গণভবনে একটি সংবাদ সম্মেলন আয়োজনে প্রকল্প হতে প্রয়োজনীয় কারিগরি সহায়তা প্রদান করেছে।



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



উত্তরণের সুপারিশপ্রাপ্তি উপলক্ষে গত ২৭ ফেব্রুয়ারি ২০২১ তারিখ গণভবনে আয়োজিত সংবাদ সম্মেলনে বক্তব্য রাখছেন মাননীয় প্রধানমন্ত্রী শেখ হাসিনা

উত্তরণের সুপারিশপ্রাপ্তি উপলক্ষে প্রধানমন্ত্রীর কার্যালয়ের সহযোগিতায় গত ২৭ ও ২৮ শে মার্চ ২০২১ তারিখ দেশব্যাপী জনসচেতনতামূলক কার্যক্রম পরিচালনায় এস এস জি পি ই আর ডি কে সহায়তা প্রদান করেছে।



স্বল্পোন্নত দেশ হতে উত্তরণ উদযাপনের অংশ হিসেবে গোপালগঞ্জে অনুষ্ঠিত আলোচনা সভা



স্বল্পোন্নত দেশ হতে উত্তরণ উদযাপনের অংশ হিসেবে মৌলভীবাজারে অনুষ্ঠিত র্যালি



স্বল্পোন্নত দেশ হতে উত্তরণ উদযাপনের অংশ হিসেবে মেহেরপুরে অনুষ্ঠিত র্যালি



স্বল্পোন্নত দেশ হতে উত্তরণ উদযাপনের অংশ হিসেবে চাটমোহরে অনুষ্ঠিত উন্নয়ন মেলা

জাতিসংঘের নিয়মানুযায়ী স্বল্পোন্নত দেশ হতে উত্তরণের প্রক্রিয়াকে মসৃণ ও টেকসই করার লক্ষ্যে প্রস্তুতিমূলক সময়ে বাংলাদেশকে সংশ্লিষ্ট অংশীদারদের সাথে নিয়ে একটি পরামর্শমূলক কাঠামোর (Consultative Framework) মাধ্যমে একটি Smooth Transition Strategy (STS) প্রণয়ন করতে হবে। সেই লক্ষ্যে স্বল্পোন্নত দেশ হতে উত্তরণের ফলে বাংলাদেশের সম্ভাব্য চ্যালেঞ্জ মোকাবেলার প্রস্তুতি, পরিকল্পনা গ্রহণ, বাস্তবায়ন ও মনিটরিং সংক্রান্ত জাতীয় কমিটির সিদ্ধান্ত অনুসারে ই আর ডি সচিবের সভাপতিত্বে STS প্রণয়ন সংক্রান্ত একটি সাব-কমিটি গঠন করা হয়েছে। একই সঙ্গে STS সংক্রান্ত সাব-কমিটিকে সহায়তা প্রদানের জন্য উক্ত সাব-কমিটির আওতায় একটি ওয়ার্কিং গ্রুপ গঠন করা হয়েছে। তাছাড়া ইতোমধ্যে সরকার, উন্নয়ন সহযোগী সংস্থা,



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



বাণিজ্যিক অংশীদার এবং বেসরকারি খাতের প্রতিনিধিবৃন্দের সমন্বয়ে Joint Task Team গঠিত হয়েছে। এসএসজিপি প্রকল্প উক্ত সাবকমিটি, ওয়ার্কিং গ্রুপ ও Joint Task Team কে STS প্রণয়নের ক্ষেত্রে প্রয়োজনীয় কারিগরি ও সাচিবিক সহায়তা প্রদান করছে।

- এলডিসি গ্র্যাজুয়েশন প্রক্রিয়াকে টেকসইকরণের লক্ষ্যে এবং উত্তরণ পরবর্তী সময়ে বিভিন্ন আন্তর্জাতিক সহায়তা অব্যাহত রাখার লক্ষ্যে এসএসজিপি প্রকল্প সংশ্লিষ্ট আন্তর্জাতিক সংস্থাসমূহের সাথে নিবিড়ভাবে কাজ করছে। তারই অংশ হিসেবে গত ২৩শে জুন ২০২১ তারিখ এসএসজিপি প্রকল্পের সহায়তায় ‘Graduation of Bangladesh from the least developed country (LDC) category and smooth transition towards sustainable development’ শীর্ষক একটি কর্মশালার আয়োজন করা হয়।

  <p>সভায় প্রধান অতিথির বক্তব্য রাখছেন প্রধানমন্ত্রীর মুখ্য সচিব ড. আহমদ কায়কাউস</p>	 <p>সভায় বক্তব্য রাখছেন প্রধানমন্ত্রীর কার্যালয়ের সচিব জনাব মোঃ তোফাজ্জল হোসেন মিয়া</p>
 <p>সভায় বক্তব্য রাখছেন প্রধানমন্ত্রীর কার্যালয়ের সচিব জনাব মোঃ তোফাজ্জল হোসেন মিয়া। তাঁর সাথে রয়েছেন ই আর ডি সচিব মিজ ফাতিমা ইয়াসমিন এবং বাণিজ্য মন্ত্রণালয়ের সচিব জনাব তপন কান্তি ঘোষ</p>	 <p>কর্মশালায় বক্তব্য রাখছেন অংশগ্রহণকারীবৃন্দ</p>

- টেকসই উত্তরণের লক্ষ্যে সংশ্লিষ্ট সকল অংশীদারদের মধ্যে অংশীদারিত্ব সুদৃঢ় করতে এসএসজিপি প্রকল্প কাজ করে যাচ্ছে। তারই অংশ হিসেবে গত ৬ই ফেব্রুয়ারি ২০২১ তারিখ এস এস জি পি প্রকল্পের সহায়তায় ‘Effective Partnership with the Private Sector for Sustainable Graduation’ শীর্ষক একটি অনলাইন কর্মশালা আয়োজন করা হয়।



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



কর্মশালায় বক্তব্য রাখছেন মাননীয় অর্থমন্ত্রী জনাব আ হ ম মুস্তফা কামাল, এফসিএ, এমপি



কর্মশালায় বক্তব্য রাখছেন ইআরডি সচিব মিস ফাতিমা ইয়াসমিন

- উত্তরণ পরবর্তী সময়ে দেশের প্রধান রপ্তানিখাতসমূহের উপর কি প্রভাব পড়তে পারে তা পর্যালোচনার জন্য এসএসজিপি প্রকল্পের সহায়তায় ইআরডি গত ২০২০ সালের নভেম্বর মাসে তৈরি পোশাক শিল্প, ঔষধ শিল্প ও চামড়াজাত শিল্পের প্রতিনিধিদের সঙ্গে তিনটি পৃথক Focused Group Discussion (FGD) আয়োজন করে।



এসএসজিপি আয়োজিত FGD তে বক্তব্য রাখছেন এফবিসিসিআই-এর সভাপতি মিজ বুবানা হক



এসএসজিপি আয়োজিত FGD তে বক্তব্য রাখছেন LFMEAB এর উপদেষ্টা জনাব সাইয়দ নাসিম মঞ্জুর



এসএসজিপি আয়োজিত FGD তে বক্তব্য রাখছেন ঔষধ শিল্প সমিতির সিনিয়র ভাইস প্রেসিডেন্ট জনাব আবদুল মুক্তাদির

- কোভিড-১৯ সৃষ্ট বৈশ্বিক মহামারীর প্রেক্ষাপটে স্বল্পোন্নত দেশ হতে উত্তরণের ফলে দেশের সাম্প্রতিক বাণিজ্য ও সামাজিক সুরক্ষা খাতের উপর কি প্রভাব পড়তে পারে তা পর্যালোচনার উদ্দেশ্যে প্রকল্পের সহায়তায় ৪ টি পৃথক পজিশন পেপার প্রস্তুত করা হয়েছে।
- স্বল্পোন্নত দেশ হতে বাংলাদেশের উত্তরণের সম্ভাব্য প্রভাব কি হতে পারে সে ব্যাপারে জাতিসংঘের অঙ্গসংস্থা United Nations Department of Economic and Social Affairs (UN DESA) কর্তৃক প্রণীতব্য প্রভাব পর্যালোচনা বা Impact Assessment প্রস্তুতের ক্ষেত্রে এসএসজিপি প্রকল্প UN DESA এর সাথে প্রয়োজনীয় সমন্বয় সাধন করেছে।
- একই সঙ্গে United Nations Conference on Trade and Development (UNCTAD) কর্তৃক প্রণীতব্য ভঙ্গুরতা পর্যালোচনা বা Vulnerability Profile তৈরির ক্ষেত্রে এসএসজিপি প্রকল্প UNCTAD এর সাথে প্রয়োজনীয় সমন্বয় সাধন করেছে।
- প্রকল্পের পৃষ্ঠপোষকতায় জেনেভাস্থ South Centre স্বল্পোন্নত দেশ হতে উত্তরণের প্রেক্ষাপটে TRIPS সুবিধা না থাকলে বাংলাদেশের ঔষধ শিল্পের উপর কি প্রভাব পড়তে পারে সে বিষয়ে একটি গবেষণা কার্যক্রম পরিচালনা করেছে।



Support to Sustainable Graduation প্রকল্প

অর্থনৈতিক সম্পর্ক বিভাগ, অর্থ মন্ত্রণালয়



ইউএনএসকাপের ৭৭তম বার্ষিক অধিবেশনের অংশ হিসেবে গত ২৭ শে এপ্রিল ২০২১ তারিখ আয়োজিত “Sustainable Graduation in the Challenging Time: Perspectives from Bangladesh and the Region” শীর্ষক সাইড ইভেন্টে অংশগ্রহণকারীরা বক্তব্য রাখছেন



ইউএনএসকাপের ৭৭তম বার্ষিক অধিবেশনের অংশ হিসেবে আয়োজিত “Sustainable Graduation in the Challenging Time: Perspectives from Bangladesh and the Region” শীর্ষক সাইড ইভেন্টে বক্তব্য রাখছেন ই আর ডি সচিব মিস ফাতিমা ইয়াসমিন

- স্বল্পোন্নত দেশ হতে উত্তরণ পরবর্তী সময়ে বিভিন্ন আন্তর্জাতিক সহায়তা অব্যাহত রাখার ব্যাপারে বৈশ্বিক মহলে প্রয়োজনীয় সচেতনতা সৃষ্টির লক্ষ্যে অর্থনৈতিক সম্পর্ক বিভাগের উদ্যোগে বিভিন্ন আন্তর্জাতিক সম্মেলনের অংশ হিসেবে বিভিন্ন সাইড ইভেন্টের আয়োজন করা হচ্ছে। ইতোমধ্যে বিগত ২০১৮ সনের জুনে যুক্তরাষ্ট্রের নিউ ইয়র্কে অনুষ্ঠিত High-level Political Forum, ২০১৯ সনের এপ্রিলে নিউ ইয়র্কে অনুষ্ঠিত ECOSOC Forum on Financing for Development (FfD) এবং একই বছর মে মাসে থাইল্যান্ডের ব্যাংককে অনুষ্ঠিত UNESCAP এর বার্ষিক সাধারণ সভার অংশ হিসেবে এধরনের সাইড ইভেন্টের আয়োজন করছে। তারই ধারাবাহিকতায় ইউএনএসকাপের ৭৭তম বার্ষিক অধিবেশনের অংশ হিসেবে গত ২৭ শে এপ্রিল ২০২১ তারিখ এসএসজিপি এর সহায়তায় “Sustainable Graduation in the Challenging Time: Perspectives from Bangladesh and the Region” শীর্ষক সাইড ইভেন্ট আয়োজন করা হয়।
- স্বল্পোন্নত দেশ হতে উত্তরণের প্রেক্ষাপটে বাংলাদেশের কি ধরনের প্রস্তুতি প্রয়োজন তা পর্যালোচনার জন্য এবং সেই অনুযায়ী সরকারের সংশ্লিষ্ট মন্ত্রণালয়সমূহের কর্মকর্তা ও অন্যান্য অংশীজনদের জ্ঞান ও দক্ষতা বৃদ্ধির লক্ষ্যে প্রকল্পের উদ্যোগে ইআরডি ও সংশ্লিষ্ট বিভিন্ন মন্ত্রণালয়ের কর্মকর্তাদের অংশগ্রহণে বিভিন্ন প্রশিক্ষণ কর্মশালার আয়োজন করা হচ্ছে।



গত ১৫ ও ১৬ই মার্চ ২০২০ তারিখ অনুষ্ঠিত Reliable Data Exposure Relevant to Development Synergy শীর্ষক SSGP প্রকল্প আয়োজিত প্রশিক্ষণ কর্মশালায় সনদপত্র বিতরণ করছেন ই আর ডি সচিব ফাতিমা ইয়াসমিন



গত ২৮ ও ২৯ শে ডিসেম্বর ২০২০ তারিখ SSGP প্রকল্প আয়োজিত প্রশিক্ষণ কর্মশালায় সনদপত্র বিতরণ করছেন বাংলাদেশ পরিসংখ্যান ব্যুরোর মহাপরিচালক জনাব মোঃ তাজুল ইসলাম ও এস এস জি পি প্রকল্পের প্রকল্প পরিচালক জনাব ফরিদ আজিজ



Support to Sustainable Graduation প্রকল্প অর্থনৈতিক সম্পর্ক বিভাগ, অর্থ মন্ত্রণালয়



- ✚ স্বল্পোন্নত দেশ হতে বাংলাদেশের উত্তরণের প্রেক্ষাপটে যুগান্তকারী এই অর্জন সম্পর্কে ব্যাপক জনসচেতনতা সৃষ্টি এবং উত্তরণ প্রক্রিয়ার মধ্যবর্তী ও অনুবর্তী পর্যায়ে বাংলাদেশ সরকারের যে ব্যাপক প্রভুতি প্রয়োজন হবে তাতে তৃণমূল পর্যায়ের মানুষের সক্রিয় অংশগ্রহণ নিশ্চিত করতে প্রকল্পের সহায়তায় তৃণমূল পর্যায়ে বিভিন্ন প্রশিক্ষণ কর্মশালার আয়োজন করা হচ্ছে।
- ✚ স্বল্পোন্নত দেশ হতে উত্তরণ ও টেকসই উন্নয়ন লক্ষ্যমাত্রার বিভিন্ন দিক সম্পর্কে সরকারের সংশ্লিষ্ট মন্ত্রণালয়ের কর্মকর্তাদের অবহিতকরনের লক্ষ্যে UNESCAP এর সহযোগিতায় ২০১৯ সালের জুন মাসে ভারতের নয়া দিল্লী ও থাইল্যান্ডের ব্যাংককে “SDGs and Sustainable Graduation of Bangladesh” শীর্ষক দুটি প্রশিক্ষণ কর্মশালার আয়োজন করা হয়েছে।
- ✚ উত্তরণ প্রক্রিয়া এবং এর ফলাফল সম্পর্কে সংশ্লিষ্ট অংশীজন তথা সাধারণ জনগণের মধ্যে ব্যাপক জনসচেতনতা সৃষ্টি এবং উত্তরণ সম্পর্কে ইতিবাচক ভাবধারা সৃষ্টির লক্ষ্যে প্রকল্পের উদ্যোগে বিভিন্ন প্রচার ও প্রকাশনা উপকরণ যেমন বুকলেট, ব্রশিউর, পোস্টার, প্রামাণ্যচিত্র প্রভৃতি প্রস্তুত ও মুদ্রণ করা হচ্ছে। এছাড়া প্রকল্প হতে একটি ওয়েবসাইট (sustainablegraduation-bd.com) তৈরি করা হয়েছে যেখানে প্রকল্প সংশ্লিষ্ট উপকরণ, খবরাখবর, প্রকাশনা ও প্রতিবেদন নিয়মিতভাবে upload করা হচ্ছে।